



Bajsak: Bosansko porijeklo

Ličnost dana

Kemal Bajsak

Neumorni graditelj veza između BiH i Turske

Organizirao brojne susrete poslovnih ljudi dvije zemlje • Pomoć izbjeglicama i građanima BiH

Počasni konzul BiH u Turskoj Kemal Bajsak (Baysak) neumorni je graditelj veza i uspostavljanja saradnje između dvije prijateljske zemlje. Njegov angažman počeo je prijemom izbjeglica koje su na početku rata došle iz BiH u Izmir, prikupljanjem pomoći BiH i njenim građanima, sa kojima se solidarizirao i tako što je nekoliko puta posjetio opkoljeno Sarajevo.

Nakon rata, prestankom potrebe za humanitarnu pomoć, Bajsak se posvetio uspostavljanju ekonomske saradnje. O tome govore nebrojeni susreti poslovnih ljudi iz Turske i BiH te izlaganja na sajmovima.

Ovih dana doputovao je u novu misiju, sa šezdesetak uglednih poslovnih ljudi iz Turske.

Bajsak je rođen u Izmiru 31. januara 1933. godine. Njegovo porijeklo je iz Trebinja, a on je treća generacija u njegovoj porodici koji je rođen i živi u Turskoj. Osnivač je firme "Trebuy", jedne od razvijenijih u regionu, koja se bavi proizvodnjom dijelova za kamione, izgradniom električnih centrala, cementara, fabrika...

U periodu između 1994. i 1999. godine bio je načelnik Karsijaka, najbogatije općine u Izmiru, koja broji oko 650 hiljada stanovnika. Titulu počasnog konzula BiH dobio je 2002. godine.

A. M.